

或包攬之徒拖欠柴炭被管工官員追併却乃捏詞妄奏就將本犯從重問結徑發該廠追併完納原委官員不必提問若係柴夫正身不曾花費柴價委被官員人等剝削以致上納不敷就便行提一千人犯依律追問照例發落其勘查官員徇私不公亦就提問如律若事內有應奏

請者徑自叅奏拿問仍通行法司衙門俱照此例施行緣係事例奉

欽依都察院知道事理未敢擅便具題次日奉聖旨是欽此

易州山廠詞訟照舊送廠體勘例

成化十八年四月十四日為申明舊事

欽差太子少保工部尚書萬 題節次該欽奉

勅易州龍灣等處山廠每年採辦柴炭供應國用實為急務今特命爾前去專一管理往來比併凡利所當興弊所當革者聽爾置從處置欽此欽遵照得正統景泰天順年間

欽差工部右侍郎陳泰吳復禮部右侍郎鄒幹節次奉准事例今後但有夫甲人等及替人當夫拖欠工程被管工人員追併捏詞赴通政使司或巡按監察御史處訴告管工官吏醫生人等受財等項俱送山廠查勘所納柴炭有無拖欠及所告情詞研審是實方將干送人犯通送法司問

罪遵行年久續該接管通政使司右叅議王  
詔右通政陳萬里俱各申明前例遵守臣自  
到廠時因見本廠夫頭人等中間多係久慣  
走廠替人當夫刁潑之徒有將腳價銀兩花  
費柴炭不完被管工人追併急緊串同各攬  
頭里老人等捏詞赴巡按御史及法司等衙  
門訐告管工官吏人等受要財物等情差人  
到廠坐提体勘以致柴炭防誤刁風日盛又  
又經申明具奏該工部覆奏奉

欽依都察院通行欽遵禁約外有得刁風頗息供應不悞  
近該都察院掌院事太子太保左都御史王鉞  
變更前例奏要遇有訐告本廠官吏賍私法司  
隔別委衙門官員先行查勘明白方纔提問

其刁潑夫甲并部夫人等因見不由本廠体  
勘恣意花費價銀賣放人夫被管工人追要  
輒捏虛詞奏告欺管人工役受邢不過柴機  
指要錢物入己方肯招虛設或無與及又逃  
走經年累月不得完結非惟管工人被其員  
累抑且供應柴炭實被耽誤如蒙伏望

皇上俯念供應重務特乞

宸斷勅命工部行移都察院轉行各處巡撫巡按等官刑  
部通政使司并在外法司特免在各衙門体  
勘未結及今後奏告山廠管工人等事情悉  
照舊例送廠委官体勘明白將有罪人犯送  
法司問罪如此則事体歸一刁風可息山廠  
不致攪供應不致耽誤緣係申明舊例事理

未敢擅便具題成化十八年四月十四日該  
本官於

奉天門奏奉

聖旨准照舊例行工部知道欽此

官軍匠作人等在逃初犯打七十再犯  
打一百三犯發邊衛差操人匠枷號三  
箇月滿日着役

一件傳奉事成化二十年二月內該司禮監太  
監懷恩傳節該奉

憲宗皇帝聖旨京衛及外衛輪操官軍并將作人等棄解  
職役逃在京城內外潛住不肯上操做工人役敢有違  
犯的拿送法司究問初犯的打七十再犯的打一百俱  
送操着役三犯不改的官軍連家小押發邊衛差操人  
匠枷號三箇月滿日仍着役鄰佑火甲人等容隱不首  
報的都治罪不饒欽此